

文續編

皇清
內閣
鑄
印
局
印

王文韶題

少微先生文集
廣西府志

皇朝經世文續編序

自賀耦耕先生用前明陳臥子之例輯皇朝經世文編數十年來風行海內凡講求經濟者無不奉此書爲
槩藝發於家有其書自後江右饒新泉氏又有經世文續集之輯自道光至咸豐同治間名臣奏疏私家著述
凡有涉於世道者亦略具矣然饒氏之書一循賀氏之舊而近來風會日開事變益繁如洋務爲今日一大事
非原書海防所能盡也奉天吉林新疆臺灣各設行省因地制宜非原書吏治所能盡也開礦自昔有禁而今
則以爲生財之大道非原書錢幣所能盡也軍國之用取給抽釐非原書權酷所能盡也有輪船以行江海近
又有輪車以行陸非原書漕運所能盡也中西算學日新月盛朝廷闢館以造就人材且寬其格以取之非
原書文學所能盡也此葛君子源所以又輯續編乎其書凡一百二十卷爲文千數百篇其志可爲感矣其力
可謂勤矣愚嘗謂孟子之書言法先王荀子之書言法後王二者不可偏廢法先王者法其意法後王者法其
法孟子曰先王有不忍人之心斯有不忍人之政此法其意也荀子曰欲觀聖王之迹則以其燦然者矣後王
是也此法其法也愚嘗與著文獻通考其自序引荀子語以發端然則士生今日不能博觀當世之務而徒執
往古之成說拘如呂氏春秋所譏病變而藥不變矣語云不習爲吏視已成事又云前事之不忘後事之師也
皇朝經世之文賀氏饒氏相繼編纂而今又有葛氏之書並行於世凡經國體野之規治軍理財之道柔遠
能邇之策化民成俗之方引而申之觸類而長之不可勝用於學術治術所裨匪淺而我國家闡規茂矩亦
略具於斯荀子所謂燦然者不於此可見乎光緒戊子夏四月曲園俞越序

皇朝經世文續編例言

善化賀氏經世文編成於道光丙戌迄今六十餘年世局既有變遷論議因之日積東鄉饒氏陽湖盛氏皆有廣續饒編出於光緒壬午盛編迄今未出夫難莫難於創始之作備莫備於晚出之本古來撰述大抵若斯故是編之作訂疎舛於已往待刪正於將來萬不敢忘東鄉先路之導後或可備陽湖苴菲之采入綱六十三目均仍賀編之舊惟自道光壬寅後中外交涉益繁有非海防塞防所能繫者京師總署之設既與六官並重往歲廷臣恭纂穆廟實錄亦聞洋務別爲卷帙茲師其意立洋務一綱繫以七目曰洋務通論曰邦交曰軍政曰教務曰商務曰固圉曰培才惟刑法之類華夷雖時有牽涉而其要領條目所存則視他務稍簡今彙爲律例下卷仍以隸諸刑政

賀編學術文學顯於經子史學大綱暨諸儒論文采取略備而仍不及算學殆例言所謂務非當急人難盡通者歟然天文樂律實古聖治法之本原而製器測地尤近今經綸之要務非可以一藝目之況其致用尙不止此闕而莫載遺憾實多蒙未習嚆人術不能妄有選輯吾宗湘鄉心水氏從事此學二十餘年別輯各篇尋以見貽析爲三卷附列文學類備學者觀覽焉

會典戶部職掌疆理居首蓋屬官地域廣輪輻於大司徒之義也賀編以顧氏日知錄州縣界域陳氏分縣議沈氏議覆分立州縣書入吏政官制類以顧氏西域立行省議入兵政塞防類殆以篇目不多故未別設專門耳今自奉吉新疆臺灣改設行省建置益繁且風會日開輿地一門成專家之學若仍賀編分隸各類非但散裂難稽且多無可附麗茲故別輯疆域一卷冠戶政十二目之首其言攻守形勢者仍入兵政地利類

賀編著例紀述之作雖工勿登然亦間有自亂其例者非止暨海各防已也夫典制事蹟之不明則議論安所

附麗賀編實出魏氏彼其 聖武之記已有專書會典提綱又審奢願意藉另編輔實自可汰削從嚴今自道
咸以來變故之法更政事之張弛不知凡幾而會典重修之舉觀成尙遠平定粵匪之外方略未編則甄錄之
宜或殊往日故章程案牘采列較夥要於賀編本旨仍不相悖至其他取舍一秉前規惟學識疎淺失當必多
未由仰希垂察耳

賀編生存姓氏著作續出尙夥今茲選輯自不可遺故松文清伊型總統事略張氏履原名生洲宗法通攷暨陶文
毅姚氏肇章氏謙存管氏同並賀魏之文悉加搜討又如張氏穆馬氏樹華沈氏達姚氏椿等皆與賀魏同時
文行甚著又如吳氏麒延陵居士集陸氏錫熊寶奎堂集之類時代并遠出賀氏之前而賀編均未之及擇要
增入云何得已至若吳氏定全氏祖望畢氏沅張氏士元賀編已列專集姓名而是編亦間有採及蓋猶覽所
得未敢拘限斷而悉從割愛也又康熙中俄定界賀編已錄徐記定界碑文而是編又錄黑龍江外紀譯出分
界盟約清文蓋既有異同詳略即不敢避複出之嫌也夫是編之作意在網羅道咸後掌故故乾嘉前載籍博
收徧覽實所未遑右所學者特偶隨所見錄之以云補賀氏之闕則吾豈敢

賀編所錄專據槧本而生存姓氏已五十餘家是役年代較近并難以槧本爲限故所列生存著作視前編多
至倍徙若從舊例止旁注集名虛其氏字則既未必人人皆有專集而非是又無以別爲誰氏之文故今所纂
輯無論藝哲時賢均各書其姓氏不避嫌疑用示大公匪標聲譽

是編經始丙戌四月至丁亥十月而稿定自後略有增續以戊子四月爲斷伏處孤陋見聞有阻姑出稿本求
正當世兩載以來鄉里同志若姚君子讓于君體尊艾君譜圖張君心一項君蓮生秦君硯畦沈君肖齡或商
榷義例或分任校錄磨錯交資俾得集成巨帙今備書簡端以附風人弗諼之義

光緒十四年六月上海葛士德

皇朝經世文續編總目

卷一

學術一 原學

卷二

學術二 儒行

卷三

學術三 法附

卷四

學術四 廣論

卷五

學術五 文學四

卷六

學術六 文學二附算學

卷七

學術七 文學三附算學

卷八

學術八 文學四附算學

卷九

學術九師友

卷十

治體一原治

卷十一

治體一政本

卷十二

治體三治法止

卷十三

治體四治法下

卷十四

治體五用人

卷十五

治體六臣職

卷十六

吏政一吏職

卷十七

吏政一餘選

卷十八

吏政三官制

卷十九

吏政四考覈

卷二十

吏政五大吏

卷二十一

吏政六守令

卷二十二

吏政七吏胥

卷二十三

吏政八幕友

卷二十四

戶政一理財止

卷二十五

戶政一理財中

卷二十六

戶政三 理財下

卷二十七

戶政四 養民

卷二十八

戶政五 疆域上

卷二十九

戶政六 疆域下

卷三十

戶政七 賦役一

卷三十一

戶政八 賦役二

卷三十二

戶政九 賦役三

卷三十三

戶政十 屯墾

卷三十四

戶政十一 八旗生計

卷三十五

戶政十二 農政上

卷三十六

戶政十三 農政下

卷三十七

戶政十四 倉儲

卷三十八

戶政十五 荒政上

卷三十九

戶政十六 荒政下

卷四十

戶政十七 漕運上

卷四十一

戶政十八 漕運下

卷四十二

戶政十九 鹽課一

卷四十三

戶政二十 鹽課二

卷四十四

戶政二十一 鹽課三

卷四十五

戶政二十二 鹽課四

卷四十六

戶政二十三 鹽課五

卷四十七

戶政二十四 權酷

卷四十八

戶政二十五 鈔幣上

卷四十九

戶政二十六 錢幣下

卷五十

禮政一 禮論

卷五十一

禮政一大典上

卷五十二

禮政三大典下

卷五十三

禮政四學校上

卷五十四

禮政五學校下

卷五十五

禮政六宗法

卷五十六

禮政七家數

卷五十七

禮政八昏禮

卷五十八

禮政九喪禮

卷五十九

禮政十祭制

卷六十

禮政十一祭禮

卷六十一

禮政十二正俗

卷六十二

兵政一兵制上

卷六十三

兵政二兵制中

卷六十四

兵政三兵制下

卷六十五

兵政四屯餉上

卷六十六

兵政五屯餉下

卷六十七

兵政六馬政

卷六十八

兵政七 保甲

卷六十九

兵政八 兵法上

卷七十

兵政九 兵法中

卷七十一

兵政十 兵法下

卷七十二

兵政十一 地利上

卷七十三

兵政十二 地利下

卷七十四

兵政十三 塞防上

卷七十五

兵政十四 塞防下

卷七十六

兵政十五 山防

卷七十七

兵政十六 海防上

卷七十八

兵政十七 海防下

卷七十九

兵政十八 蠻防

卷八十

兵政十九 苗防

卷八十一

兵政二十 勦匪上

卷八十二

兵政二十一 勦匪中

卷八十三

兵政二十二 勦匪下

卷八十四

刑政一 刑論

卷八十五